



NATIONAL SENIOR CERTIFICATE EXAMINATION
SUPPLEMENTARY EXAMINATION – MARCH 2019

ISIZULU ULIMI LOKUQALA LOKWENGEZA: IPHEPHA I
ISIZULU FIRST ADDITIONAL LANGUAGE: PAPER I

Isikhathi: Amahora ama-2½

Amamaki ayi-100

QAPHELA LOKHU OKULANDELAYO

1. Leli phepha linamakhasi ayi-18. Qiniseka ukuthi nelakho liphelele.
 2. Leli phepha lineziqephu EZINE.
 3. Phendula zonke IZIQEPHU.
 4. Qala isiqephu ekhasini elisha.
 5. Qiniseka ukuthi **awuyixovi** imibuzo.
 6. Phendula yonke imibuzo ngesiZulu.
 7. Shiya imigqa emibili emva kwempendulo.
-

ISIQEPHU A ISIFUNDO SOKUQONDISISA

UMBUZO 1

Funda le ngxoxo bese uphendula imibuzo elandelayo.



Udokotela: Ntombazanyana yami. Konje uthe uneminyaka eyishumi nanye?

UNolwazi: Yebo dokotela.

Udokotela: Sengikuhlolile-ke manje. Ngizokunikeza imithi eqondene ngqo nesifo sakho, futhi izohambisana neminyaka yakho. Uyezwa?

UNolwazi: Yebo dokotela ngiyezwa.

Udokotela: Nansi imithi. Kule emibili uzophuza kathathu ngelanga ngesipuni. Amaphilisi wona awahluphi ngoba abhaliwe ngaphandle. Nawo uzowaphuza kathathu ngelanga.

UNolwazi: Ngiyabonga dokotela. Kodwa angizwanga kahle ukuthi le mithi namaphilisi okwani.

Udokotela: Lo ngowezinhlungu, lo ngowomkhuhlane, lawa maphilisi awokuvula isifuba, kanti lawa azokulalisa kahle. Uhlakaniphile mntanami ngokubuza. Abanye abantu ababuzi. Bathatha imithi namaphilisi kanti abezwanga ukuthi kufanele bakuphuze kanjani. Emva kwesikhathi umuntu useyagula ngoba uphuze umuthi weqisa. Abanye abantu bahamba bangabuyi.

UNolwazi: Ngiyabonga ukuthi usungichazele kahle. Kubalulekile yini ukuthi ngibuye dokotela? Nami bengicabanga ukubuya uma sengiphila ngokwanele.

Udokotela: Yebo kubalulekile. Mina ngiyathanda ukuxhumana neziguli zami ukuze ngibe nesiqiniseko sokuthi seziphila kahle, ngokwanele. Kulungile, uhambe kahle ntombi.

UNolwazi: Usale kahle dokotela.

* * * * *

(Ngakusasa ekhaya likaNolwazi)

- Umama: Hawu Nolwazi! Lo muthi wase uba mncane kangaka kanti uwuthole izolo nje kudokotela!
- UNolwazi: Mama, ngizwe ikhanda libuhlungu kakhulu ngase ngiphuza uhhafu webhodlela.
- Umama: Maye! Ungaphinde uyenze leyo nto mntanami. Uzozibulala. Yikho ulale kangaka namhlanje. Imithi le iphuzwa ngendlela efanele.
- UNolwazi: Uqinisile mama. Ngike ngezwa ikhanda lami lizungeza, bengicabanga ukuthi sengiyahlanya.
- Umama: Kufanele ulandele imiyalo kadokotela mntanami. Yonke imithi yodokotela neyasemakhemisi iba namaphepha achaza ukuthi iphuzwa kanjani futhi achaza nokuthi wona lowo muthi osindisayo uyazidala ezinye izifo. Loku abakubiza ngokuthi ama *side-effects* ngesiNgisi.
- UNolwazi: Angikaze ngiwanake lawo maphepha mama. Ngiyabonga mama. Ngeke ngiphinde ngilenze leli phutha.

[Amagagasi p. 79–81]

1.1 Phendula uthi IQINISO noma AMANGA.


- 1.1.1 Lo muntu ogulayo ngumuntu wesilisa. (1)
- 1.1.2 Isiguli ngumuntu omdala. (1)
- 1.2 UNolwazi uphethwe yini? (1)
- 1.3 Udokotela wamnikani uNolwazi ukumsiza ekuguleni kwakhe? Bhala kube kubili. (2)
- 1.4 Uneminyaka emingaki uNolwazi? Bhala impendulo ibe **yinombolo**. (1)
- 1.5 Yini eyamangaza umama kaNolwazi ekhaya? (1)
- 1.6 Kuyingozi ngani ukungalandeli imiyalo kadokotela? (1)
- 1.7 Wena uyavumelana nodokotela ukuthi uNolwazi yingane ehlakaniphile? Sekela impendulo yakho kahle. (2)
- 1.8 **Ngombono wakho**, kulungile yini ukuhambisa ingane engangoNolwazi yodwa kwadokotela? Sekela umbono wakho kahle. (2)
- 1.9 Lo dokotela uyazinakekela iziguli zakhe. Wena uyavuma noma uyaphika? Sekela impendulo yakho kahle. (2)

[14]

UMBUZO 2

Funda lesi siqeshana bese uphendula imibuzo elandelayo.

Ukuhlukunyezwa kwabantwana



Ukuhlukunyezwa kwabantwana kuyinto embi kakhulu. Abazali kufanele bakhulise abantwana ngothando nokubanakekela ukuze babe nekusasa elihle. Abantwana abaningi abalutholi lolu thando nokunakekelwa. Kukhona abantu abadala abashaya abantwana babo kabi. Umntwana ohlukunyezwayo angagcina ekhubazekile engqondweni noma emzimbeni. Laba bantwana bangathola usizo uma beshayela le nombolo yocingo – 0800055555.

Abantwana babhala loku okulandelayo:


- Ingane 1:** *Ubaba wayengishisa ngogwayi emhlane uma engijezisa. Umhlane wami unezibazi (scars) eziningi.*
- Ingane 2:** *Ubaba nomama babelwa njalo phambi kwami. Ubaba wayeshaya umama bese emxosha endlini. Nami wayengixosha. Sasilala phandle nomama, noma kubanda ebusika.*
- Ingane 3:** *Abazali bami abangithandi, bathanda umfowethu. Njalo bamnika imali yamaswidi kodwa mina abanginiki. Bathi mina ngimubi futhi ngiyivila. Kufanele ngenzenjani ukuze bangithande nami?*
- Ingane 4:** *Ubaba ungumdlali webhola. Ufuna nami ngidlale ibhola njengaye. Angilithandi mina ibhola. Uyangishaya uma engibona ngidlala omunye umdlalo ngaphandle komdlalo webhola.*
- Ingane 5:** *Umalume wenza izinto engingaziqondi. Ngolunye usuku wangiphoqa ukuba ngimthinte endaweni yangasese. Angizange ngiyithande leyo nto. Ngakhala kakhulu. Wangitshela ukuthi uyongibulala uma ngingatshela umama ngale nto.*

[Amagagasi, pg. 103]

- 2.1 Bhala **umphumela** wokuhlukumezeka ngokwendaba. (1)
- 2.2 Bhala **umqondophika** walawa magama alandelayo:
- 2.2.1 enhle (1)
- 2.2.2 inzondo (1)
- 2.3 Bhala **umqondofana** walawa magama alandelayo:
- 2.3.1 izingane (1)
- 2.3.2 ingomuso (1)
- 2.4 Khetha ingane eyodwa kulezi bese usho ukuthi ungayiluleka uthini.
Yeluleke kahle. (2)
- 2.5 Ngokubona kwakho, ingaxazululeka kanjani inkinga yokuhlukunyezwa
kwezingane ezweni lethu? Bhala amaphuzu amathathu. (3)
- [10]**

UMBUZO 3

Buka lesi sithombe bese uphendula imibuzo elandelayo.



[isiZulu Sethu, pg. 108]

- 3.1 Lo muntu ubukeka **enenkinga**. Iyiphi le nkinga? (1)
 - 3.2 Kusho ukuthini ukuthi, "**Uphethiloli uyasikhuthuza**"? (1)
 - 3.3 Ukuphumela ngaphandle kwamaphakethe kusitshelani? (1)
 - 3.4 Lo muntu usesitholile **isixazululo** senkinga yakhe. Uzokwenzani? (1)
 - 3.5 Inkinga yalo muntu iyinkinga enkulu ezweni lethu. Ngombono wakho ingaxazululwa kanjani le nkinga? Bhala amaphuzu amabili. (2)
- [6]

Amamaki angama-30

ISIQEPHU B UKUFINGQA

UMBUZO 4

Funda le ndaba bese **uyifingqa** ngamagama angama-60 kuya kwangama-70. Bhala amaphuzu AMAHLANU.

QAPHELA: Bhala KUPHELA amaphuzu **ngempumelelo** nezinselelo zikaSerena emdlalweni wakhe wethenisi.



- 1 USerena Williams wazalwa ngomhlaka-26 kuSeptthemba ngo 1981, eMichigan, eMelika. Amagama abazali bakhe ngoRichard no-Oracene Williams.
- 2 USerena waqala ukudlala ithenisi eneminyaka emithathu. Ubaba kaSerena wakujabulela kakhulu ukubona amadodakazi akhe amancane, USerena noVenus bephumelela kulo mdlalo we-thenisi. URichard, ubaba kaSerena, wayefunda izincwadi eziningi ukuze asize amadodakazi, uSerena noVenus, ukuthi badlale kahle ithenisi.
- 3 URichard wathutha umndeni wakhe baya kohlala eFlorida ukuze amadodakazi athole ukuqeqeshwa okuhle. Ngalesi sikhathi uRichard wayeka ukuba ngumqeqeshi wamadodakazi akhe, kodwa waqhubeka waba *yimeneja* yabo.
- 4 Ngo1995 uSerena waba ngumdlali okhokhelwayo (professional). Ngo 1997 waba kunombolo 99 emhlabeni kubadlali bethenisi, esuka kunombolo 304 esikhathini esiwunyaka owodwa. Ngo 1998 waqeda imfundo yakhe yase-*High School*, yilapho waxhaswa yiPuma ngamadola ayizigidi eziyishumi nambili (\$12 million). Ngo 1999, wehlula udadewabo uVenus, wathola isicoco (title) i-U.S. Open Title.

- 5 Indlela ehlukile uSerena nodadewabo abadlala ngayo yabenza ukuthi bathandeki kakhulu kubathandi bethenisi abaningi. Ngo 2003, uSerena wathola i-Australian Open; loku kwamenza waba ngomunye wabesifazane abayisithupha ukuwina lesi sicoco. Loku ukuthi abambe izicoco ezine ngesikhathi esisodwa, wakubiza ngokuthi yi-*Serena Slam*. Ngo 2008, wawina enye i-U.S. Open. Emva kwalokho wahlangana nodadewabo kuma-*Doubles* baya emidlalweni yama-*Olympic* bawina indondo yegolide.
- 6 Impilo kaSerena yaba nezinselelo. Ngo Agasti 2003, uSerena wahlinzwa idolu. Ngo Septhemba, udadewabo uYetunde Price, wabulawa eLos Angeles. Eminyakeni emithathu kusukela lapho, uSerena wayesabukeka ekhathazekile emoyeni. Ukulimala, nokuphelelwa wuthando lomdlalo kwamenza uSerena wehla ngezinombolo kubadlali bethenisi. USerena unguMkhristu, esontweni loFakazi bakaJehova.
- 7 USerena wakhipha incwadi yakhe yokuqala ekhuluma ngempilo yakhe ngo 2009, ebizwa ngokuthi, yi-*Queen of the Court*. Kuwo lo nyaka uSerena wawina i-Australian Open (edlala yedwa) waphinde wawina ama-*doubles* kwi-Australian Open naseWimbledon. Ngo Septhemba kuwo lo nyaka, igama likaSerena laba semaphephandabeni ngoba elwe noSomugqa emidlalweni we-U.S. Open. USerena wehlulwa nguKim Clijsters kulo mdlalo. USerena wakhokhiswa imali eningi ngalesi senzo sakhe. Wakhokhiswa amadola aseMelika ayizinkulungwane eziyishumi (\$10,000). Emva kwezinyanga ezimbili waphinda wakhokhiswa amadola aseMelika angamashumi ayishiyagalombili nambili ngesenzo esifanayo. Akekho umdlali wethenisi owake wahlawuliswa njengoSerena. USerena wazama ukuyidlulisa le nto ngoba wakwazi ukuwina i-Australian Open.
- 8 Ngo 2011, odokotela bathola ukuthi kunehluli legazi (blood clot) kwelinye lamaphaphu akhe. Loku kwethusa kakhulu. Kwakubonakala ingathi uSerena uzoyeka ukudlala ithenisi. Waqhubeka nokudlala ithenisi. Ngo 2012 uSerena wehlulwa kwi-French Open, kodwa wabuyela ekudlaleni kahle ekupheleni konyaka lapho ahlula khona u-Agnieszka Radwanska kwi-Wimbledon Open. Emva kokuwina lapha, uSerena waya emndenini wakhe ekhala. Wayengakholwa ukuthi wayesengawina uSerena. Ziningi ezinye izicoco uSerena abuye aziwina emva kwalo mdlalo.
- 9 Ziningi ezinye izinto uSerena azenza ngempumelelo. Udlala imidlalo yebhayisikobho, umabonakude futhi ukhangisa ngemfashini. USerena waqamba iSerena Williams Foundation ukwakha izikole e-Afrika, ukusiza abantu abahluphekayo.

[Inthanethi: <www.google.co.za>]

- Okuzobhekwa – Sebenzisa amagama akho.**
 – **Sebenzisa imisho egcwele.**
 – **Sebenzisa ulimi oluhle.**
 – **Bhala ngamaphuzu.**
 – **Bhala inani lamagama owabhalile.**

Ingqikithi (5)
 Ulimi (3)
 Ukuhleleka kahle ngamaphuzu (1)
 Inani lamagama (1)

Amamaki ayi-10

ISIQEPHU C IZINKONDLO

UMBULO 5

- 5.1 Funda le nkondlo bese uphendula imibuzo.
(Inkondlo efundwe ekilasini)

Juba lami



- 1 Ngikhumbula izinsuku **useliphuphu**,
2 Ngibuye naw' ehlathini ngijuluka,
3 Ngakunik' eyekhethel' indlwana,
4 Imfucuza yezimpaphe ifudumala,
5 Waze wakhombisa ukukhula.
- 6 Ilanga belingafuni mafu
7 **Azolithikameza ekusibukeni**
8 Sithe qekelele laphaya ebaleni,
9 Engekho ongakuhleba ngikhona,
10 Nami uma nawe ukhona,
11 Amabele abehlezi egcwel' isandla,
12 Ngaphandle kokuthi uze uhayu u-AMDOKWE.
13 Bengithanda lapho usucoshacosha,
14 Ungith jejemuzi ngagcwel' uxolo,
15 Uthi caku emfumeni
16 Uzigcobe wonke umzimba,
17 Izinhliziyu zethu zisabalale kwaluhlaza.
- 18 Bengithi usangidlis' amancoko
19 Lapho usuka njengonwabu,
20 Ubeka njengomlobokazi uqhela,
21 Kanti sekungugqashuka komchilo,
22 **Umchilo** obusihlanganisile.
23 Ngisale dengwane nginkemile,
24 Ngakubuka amehlo agcwala intuthu,
25 Kudekude ubuyela ehlathini.

- 26 Ngiyodumala ungodumala,
27 Uma ngikubona usudumaza,
28 Usulala uvuke ngeyakwalihlathi,
29 Ngiyothokoziswa ngumfuyi oqotho,
30 Oyongifuza isibili.
- 31 Kuyophela ngisho nasozwanini,
32 Uma ngikubona usuhaya eyakini,
33 Eyalena komaJuba,
34 Uwabon' esevuthiw' ehlanzeni,
35 Ngoba ayobe enabaniniwo.
- 36 **Ngiyakusola nawe kucwayiza.**
37 Ngithe ngiqambe ngibheka sekonakele,
38 Waze wajubalala juba lami,
39 Ngasala ngincela izithupha,
40 Ngasala nginkemile ngithi uyabuya.
41 Kanti phinde, sewuhamb' ukuhamba.

- 5.1.1 Veza **umqondo** wale nkondlo. Bhala amaphuzu amathathu. (3)
- 5.1.2 Kungani imbongi ikhethe inyoni, ijuba, kule nkondlo? (1)
- 5.1.3 Bhala bese ukhombisa isifaniso estanzeni 3. (1)
- 5.1.4 Bhala **isifenko** esitholaka esihlokweni senkondlo: **Juba lami**. (2)
- 5.1.5 Bhala **indikimba** etholakala kule nkondlo uchaze kafushane. (1)
- 5.1.6 Igama **iphuphu**, emgqeni1, lisitshelani ngalo muntu okukhulunywa
ngaye? (1)
- 5.1.7 Imuphi lo mchilo imbongi ekhuluma ngawo emgqeni 22? (1)

[10]

5.2 Funda le nkondlo bese uphendula imibuzo elandelayo.
(Inkondlo efundwe ekilasini)

- | | |
|----|-------------------------------------|
| 1 | Lase liya kozilahla kunina, |
| 2 | Ngihleli egqumeni ngiphumule, |
| 3 | Ngambona uBadelile eza, |
| 4 | Ehaya ingoma yakhe yemihla; |
| 5 | "Kwasuke kwafika abelungu |
| 6 | Bavula ijoyini, yamthatha |
| 7 | UFalakhe wakhohlwa yimi." |
| 8 | Kwakwal' insinzw' imethembis' izulu |
| 9 | Kwakwal' insizw' ish' ukumlobola, |
| 10 | Kodwa phind' uBadelil' ukuvuma, |
| 11 | Wahlalel' ethembeni njalo, |
| 12 | Ngelinye ilanga uyoza |
| 13 | Ngo "Sikhulekile", sekuwuFalakhe. |
| 14 | Kwakwala izintombi zimbhuqa, |
| 15 | Zikhuluma zigegisa amazwi, |
| 16 | Linye elikaBadelile, |
| 17 | "Uyobuya uFalakhe!" |
| 18 | Yebo lalikhulu ithemba, |
| 19 | Yebo lalikhulu negugu, |
| 20 | Enhliziyweni yakh' engekho |
| 21 | Ayengamthanda njengoFalakhe. |
| 22 | Sisahlal' egqumeni noBadelile, |
| 23 | Qhamu ingane nencwadi yocingo, |
| 24 | EkaBadelile ivela kuFalakhe, |
| 25 | Esab' ukuyivul' ayiphonse kimi, |
| 26 | Phakathi yayiqukethe la mazwi: |
| 27 | "Ngatholakala nginecala lokubulala, |
| 28 | Sesize saphuma isigwebo |
| 29 | Khohlwa Badelile" |
| 30 | Dedelele izihlathi kuBadelile. |
| 31 | Qathaqa zehla zilandelana, |
| 32 | "Angisophinde ngimbone uFalakhe" |
| 33 | Washo wasikhihla esikaNandi. |

- 5.2.1 Bhala **isihloko** sale nkondlo. (1)
- 5.2.2 **Luhlobo** luni lwenkondlo lolu? (1)
- 5.2.3 Ungamchaza njengentombazane enjani uBadelile? Sekela impendulo yakho kahle. (2)
- 5.2.4 Veza **umoya** otholakala kule nkondlo. Sekela impendulo yakho. (2)
- 5.2.5 Bhala amazwi ocabanga ukuthi ayeshiwo yizintombi uma **zibhuqa** uBadelile. **Bhala umusho ogcwele.** (1)
- 5.2.6 Chaza le nkulumo:
- (a) **Ukukhihla esikaNandi.** (1)
- (b) **Ukuzilahla kunina.** (1)
- 5.2.7 Bhala **umyalezo** otholakala kule nkondlo. (1)
- [10]**

5.3 Funda le nkondlo bese uphendula imibuzo elandelayo.
(Inkondlo engafundwanga ekilasini)

HAWU AMAFUTHA!



- 1 Kulukhuni kuyitshe kunzima,
- 2 Kuyaliwa yimpi phakathi komuntu namafutha.
- 3 Akusaliwa impi yomkhonto, echith' igazi,
- 4 Kuliwa impi yomzimba, echith' amafutha.
- 5 Ayihlome ihlasele, amafutha wukufa.
- 6 Ayiketh' fumuka, ayikethi silaza,
- 7 Yimpi yomndeni, ayikethi minyaka.
- 8 Uyise nendodana, amadolo aphezulu,
- 9 Unina nendodakazi, amadolo aphezulu,
- 10 Ukhulu nomzukululu, izandla phezulu.
- 11 Ayinabandlululo umnyama umhlophe – ayikethi.
- 12 Ayinabandlululo isicebi, isichaka – ayikethi.
- 13 Sonke siphefumulela phezulu – yimpi yamafutha,
- 14 Awashiswe amafutha – Makunyakaziswe imizimba!
- 15 Mayihlome ihlasele – Songoba simunye!

[IsiZulu Esimnandi]

- 5.3.1 Phawula ngezitanza nemigqa kule nkondlo. (1)
- 5.3.2 Khipha **ukuxhumana maphakathi** estanzeni 1. (1)
- 5.3.3 Veza **isizura** etholakala kule nkondlo. (1)
- 5.3.4 Estanzeni sokuqala (1), khipha amagama asho ukuthi **ukukhuluphala kuyabulala**. (1)
- 5.3.5 Yiliphi igama estanzeni 1 eliphikisana naleli: **kulula**? (1)
- 5.3.6 Uma kuthiwa umuntu unamafutha kusho ukuthi?
- (a) uzacile
- noma**
- (b) ukhuluphele (1)
- 5.3.7 Bhala uhlobo **lwefanamsindo** olubhalwe ngokugqamile emigqeni 1 no 2. (1)
- 5.3.8 Sinjani **isigqi** sale nkondlo? Sekela impendulo yakho ngezizathu ezimbili. (3)

[10]

Amamaki angama-30

ISIQEPHU D UHLELO NOKUSETSHENZISWA KOLIMI

UMBUZO 6

6.1 Buza imibuzo enganika amagama abhalwe ngokugqamile njengezimpendulo.

Isibonelo: Abafana bazoya **eGoli** kusasa.
Abafana **bazoyaphi** kusasa?

6.1.1 **Maningi** amanzi kulo mfula. (1)

6.1.2 Ubaba uzobuya **ngenyanga ezayo**. (1)

6.2 **Nciphisa** la magama abhalwe ngokugqamile.

6.2.1 Ingane iphethe uswidi **ngesandla** sayo. (½)

6.2.2 **Indoda** yami isikhulile impela isizothatha umfazi. (½)

6.2.3 Umama ungiphe **imali** encane ekuseni. (1)
[4]

UMBUZO 7

7.1 Sebenzisa impambosi efanele ulungise amagama abhalwe ngokugqamile.

7.1.1 UDolly **uthanda** noSipho. (1)

7.1.2 Sipho, yeka ugwayi. Ugwayi **ubhema** ngabantu abadala kuphela. (1)

7.1.3 Themba, **vela** isandla sakho ngibone ukuthi uphetheni! (1)

7.2 Bhala **isabizwana soqobo** emagameni abhalwe ngokugqamile.

7.2.1 **Utshani** budliwa **izinkomo**. (2)

7.2.2 **Uphondo** lwenkomo luphukile. (1)

7.3 Bhala **ondaweni** emagameni akubakaki.

7.3.1 Umama wami upheka ukudla okumnandi (ikhishi). (1)

7.3.2 Umfundisi ushumayela (isonto). (1)

7.3.3 Sithanda ukubhukuda (ihlobo) (1)
[9]

UMBUZO 8

Funda lesi siqeshana bese wenza umsebenzi olandelayo.



Halala! **Ndodana** siyaziqhenya kakhulu ngawe. Usihloniphile yonke le minyaka engu-**23**. Manje uyindoda. Thatha nasi isikhiye **semoto** entsha ceke esikuthengele yona mina nonyoko. Inkukhu yanqunywa **umlomo** kuPeter ngoba wayengacabangi ukuthi abazali bakhe bangamthengela isipho esikhulu kangaka. Wangena emcimbini wokubabungaza esehamba ngalo unyanyavu lwemoto yakhe. Abangane bakhe bambongela badansa **bachitha ilanga** kamnandi.

[Inthanethi: <www.google.co.za>]

- 8.1 Igama "**Halala**" lisitshelani (lisikhombisani)? (1)
- 8.2 Bhala imisho eveza umqondo ohlukile kulowo osesiqeshini ngala magama alandelayo.
- 8.2.1 Ilanga- (1)
- 8.2.2 Chitha- (1)

8.3 **Phikisa** le misho elandelayo.

8.3.1 Manje uyindoda. (1)

8.3.2 Umfana usihloniphile yonke le minyaka engu 23. (1)

8.4 Phikisa **ngobulili** amagama abhalwe ngokugqamile kule misho elandelayo.

8.4.1 Halala! **Ndodana** siyaziqhenya ngawe. (1)

8.4.2 Thatha nasi isikhiye semoto entsha ceke esikuthengele yona mina
nonyoko. (1)

8.5 Guqula (shintsha) lo musho ube **ubunye**.

Abangane bakhe bambongela bachitha ilanga kamnandi. (2)

8.6 Chaza lesi **saga**.

Inkukhu yanqunywa umlomo kuPeter. (1)
[10]

UMBUZO 9

U-Donald Trump uvakashele uMongameli uJacob Zuma eNingizimu Afrika.

Qala lo musho ongenhla kanje:

9.1 Ngenyanga ezayo (1)

9.2 Ngo 2010 (1)
[2]

UMBUZO 10

Hlanganisa le misho elandelayo ngokusebenzisa isihlanganiso esifanele kulezi ezilandelayo. Bhala wonke umusho.

Khetha kulezi zihlanganiso. UNGASIPHINDI isihlanganiso.

bese, kodwa, ngakho-ke, ukuze.

- | | | |
|------|---|------------|
| 10.1 | Udadewethu uzoshada. Kufanele azothe. | (½) |
| 10.2 | Ngizomfundisa. Uyaphasa. | (1) |
| 10.3 | Lo mfana uphumelela kahle ezifundweni zakhe. Lo mfana akafundi. | (½) |
| 10.4 | Ubaba uyasebenza. Ubaba uzophila kahle. | (1) |
| | | [3] |

UMBUZO 11

Sebenzisa amagama esiZulu sempela esikhundleni salawa abhalwe ngokugqamile.

- | | | |
|------|--|------------|
| 11.1 | Uthreyina weBafana Bafana oxoshiwe nguShakes Mashaba. | (1) |
| 11.2 | Phela izodlala nethimu yaseNigeria ngesonto elizayo. | (1) |
| | | [2] |

Amamaki angama-30

Amamaki esewonke: 100